



Aatsitassanut Ikummatissanullu Pisortaqarfik

Ulloq/Dato: 11. august 2010
J.nr. 74.00.05

Kalaallit Nunaata kitaani ikummatissanik ujarlerluni immap naqqani suli aammalu marloriarluni qillerinissamut qinnuteqaatip tusarniaassutigineqarnerani akissut (VVM aamma VSB).

Aatsitassanut ikummatissanullu Pisortaqarfiup Capricorn Greenland Exploration / Cairn Energy-miit Kalaallit Nunaata kitaata imartaata naqqani suli aammaarluni marloriarluni qillerilluni oliamik 2010-p aasaani ujarlernerup ingerlatseqqinnissaanut akuersissuteqartoqarnissaanut qinnuteqaataa tigusimavaa. Aatsitassanut ikummatissanullu Pisortaqarfiup suliامي attuumassuteqartut kommunit sisamaasut KANUKOKA-lu qinnuigisimavai oqaaseqaateqaqqullugit paasissutissat qinnuteqaatiniit oqaaseqarfigineqarnissaannut pissutissaqarnersoq pillugu. Tulliuttuni saqqummiunneqartut tassaapput kommuninit tamanit KANUKOKA-miillu ataatsimoortunik oqaaseqaatit. Suliap annertuumik pingaaruteqarnera tunngavigalugu kommunit ataatsimoortunik oqaaseqaasiornissaq qinersimavaat.

Qinnuteqaatini qitiusutut inissisimapput Avatangiisinut sunniutissaasa nalilersorneqarnerat, (VVM), kiisalu Inuiaqatigiinnut akilersinnaasumik ingerlatsisoqarsinnaanera pillugu nalilersuineq, (VSB). Nalunaarusianut taakkununnga marluusunut teknikkimik tunngaveqanngitsunik eqikkaanernik marlunnik suliaqartoqarsimavoq, taakkunanilu siunertarineqarluni innuttaasut fagitigut tunngavilimmik tunuliaqutaqanngitsut qillerinissat akuersissutigineqarnerinut tunuliaqutaasunik paasissutissinneqarsinnaaneri. Kommunit arlaqartutigit oqaaseqaatissaqarput avatangiisinut sunniutissaasa nalilersorneqarnerannut tunngatillugu aammalu Inuiaqatigiinnut akilersinnaasumik ingerlatsisoqarsinnaanera pillugu nalilersuineranut atatillugu, kiisalu teknikkimik tunngaveqanngitsumik eqikkaanermut tunngatillugu.

Ataatsimut oqaatigineqassaaq kommunit maluginiarmassuk tusagassiutit elektroniskiusut tusarniaanermi matumani annertunerusumik atorneqarnerat. Kommunilli maqaasivaat soqutigisaqartut assigiinngitsut arlaqartut toqqaannarnerusumik attaveqarfigisinnaanerat, tassami tamanut ammasumik ataatsimiititsinissaagaluit arlaqartut suliap siullermeersumik tusarniaassutigineqarnerani taamaatiinnaarneqarnikummata. Innuttaasunik ataatsimiititsinerit kingusinnerusukkut ingerlanneqarsimasariaqaralarput, imaluunniit minnerpaatut maanna tusarniaanermut atatillugu. Tamanna isigimaneqartariaqarpoq minnerunngitsumik Mexicup kangerliumanersuani oliasiorfisuarmi ajutoornersuaq tunngavigalugu. Kommunit ilisimavaat pissutsit assigiinngitsutigut Mexicup kangerliumanersuani sulianut sanilliunneqarsinnaanngitsoq, Siggummi sumiiffimmi qillernernut atatillugu, kisiannili toqqaannarnerusumik innuttaasut Cairn-ip aammalu Namminersortik Oqartussat akornanni attaveqarnerup assigiinngissutsit qanoq ittuunerinik nassuiaanissamut pitsaaneruserusumik periarfissaqartitsisoqassagaluarpoq, taamaasilluni piviusumik tunngavilimmik ajutoorsinnaanermi atugassarititaasut assigiinngissutaat qulaajarneqarsinnaagaluarluni, taamalu Kalaallit Nunaanni ingerlatanut tunngatillugu navianarsinnaasut piviusut qulaajarneqarsinnaagaluarlutik. Tamatumalu ilutigisaanik innuttaasut avatangiisinut inuiaqatigiillu ingerlanneqarnerannut attuumassuteqartutigut ernummatigisinnaasaat oliasiorluni misissueqqissaarnermut attuumassuteqartut qulaajarneqarsimasinnaagaluarput.

Tusarniaanermut siullermut atatillugu kommunit naatsorsuutigisimagaluarpaat qillernissamut siullermut aappaanullu qinnuteqaatinut akissuteqaatigut oqaaseqarfigineqassasut, tusarniaanermilu akissutaasunut atatillugu ilisimatitsisoqarnissaa. Taamaaliorneq tusarniaanerni akissutaasut qanoq atorneqarnerinut atatillugu pitsaaneruserusumik paasinninnissamut aqutissiuussisinnaagaluarpoq, taamalu fagini assigiinngitsuni suliaqartut Kalaallit Nunaata eqqaani oliasiorluni qillernernut qanoq isummersornerinut tunngasuni annertuneruserusumik paasisimasaqalernissamut aqutissiuussissagaluarluni.

Nunani allani uagutsinnut sanilliunniartakkatsini nalinginnaasuuvoq oliamik ujarlerlutik qillernermik ingerlaqartartut suliffeqarfissuit aammalu / imaluunniit aatsitassarsiornermi pisortat oqartussaataitaasa tusarniaanermi oqaaseqaataasunut oqaaseqarfiginnittarnerat, aammalu pisunut atatillugu annertunerujussuarmik ammasumik pissusilersortoqartarluni. Tamatumuuna isumannaarneqartarpoq sumiiffinni assigiinngitsuni oqartussaasut tusaaniarneqartarnerat, aammalu ernumasutaasinnaasut tunngavissaqarnerisut tunngavissaqannginnersulluunniit takussutissinneqartarluni.

Kommunit kaammattuutigissavaat kommunit tusarniaasarnerni susassaqartuusutut aamma pisortatut oqartussaassuseqartutut ingerlaavartumik ilisimatinneqartarnissaq kommuninit oqartussaa-sunillu allanit ernummatsit siunnersuutillu tiguneqarlutillu iliuuseqarfigineqartarnersut pillugu. Kommunit taamaattunik tunuliaqutaqarlutik kaammattuutigissavaat suliat avammut ammaneru-sumik ingerlanneqarnissaat ingerlatanilu peqataatinneqarnissaq.

Avatangiisinut sunniutissaasa nalilersorneqarnerat pillugu nassuiaammut (VVM) oqaase-qaatit

Aallarniutigalugu oqaatigineqassaaq kommunit iluarisimaarmassuk immikkoortut Cairn Energy-p qinnuteqaamminni kommuninit KANUKOKA-miillu uparuaatigisaa tunngavigalugit Cairn-p oliamik ujarlerluni qillerinissamini siullerni marlunni qinnuteqaatiminik iluarsisimanera.

Kommunit aamma iluarisimaarlugu maluginiarpaat Namminersorlutik Oqartussat Cairn-p nammineq periusaasa arlaannaannulluunniit attuumassuteqanngitsunit nakkutigineqarnissaat isuman-naarniarsimammassuk.

Pingaarnertut kommunit aammaarlutik suli aamma VVM-imik nassuiaammut imaattunik oqaaseqaateqassapput:

Kommunit tusarniaanermi siullermi teknikkimut attuumassuteqanngitsumik eqikkaaneq uparuar-torsimavaat. Taamaattumik assut naammaginangilaq paasillugu VVM-imik nassuiaammi tek-nikkimut tunngassuteqanngitsumik suliaasup suli aammalu amigaateqartorujussuullunilu kukku-neqarnera, tamatumalu suliap kingunerisinnaasaanut atatillugu kingunerluutaasinnaasut eqqar-saatigalugit tamakkiisumik nalilersuisinnaaneq periarfissinneqanngimmat.

Teknikkimik tunngaveqanngitsumik eqikkaaneq tamatigoortumik suliaanngitsutut iluseqarpoq. Paasissutissat saqqummiussorneqartut tamalukattumik tunngavilimmik toqqartukkatut isikkoqar-poq, isigimangivillugu saqqummiussukkanik atuortoq tunngavissinniarneqassasoq tamatigoor-tumik suliniummi avatangiisinut tunngasunut sunniutaasussat pillugu naliliinissaminut. Avatan-

giisit, immami sarfaqarfiit qanoq ittuunerisa, sikunut tunngasumik pissutsit il.il. qanoq ittuuneri suliaalersussanut sanilliullugit saqqummiunneqanngillat, uuttuutissatullu allaaserineqartut ilaat, soorlu anorip agguaqatigiissitsilluni ingerlaarnerata allaaserineqarnera, suliniutaasussanut toqqaannartumik attuumassuteqanngilaq.

Soorlu qinnuteqaammi siullermi aamma periaaserineqarsimasoq, VVM-imi nassuiaammi teknikimut tunnganngitsunut eqikkaanermi pisussat ataqatigiinnerat, periusissanik toqqaasimaneq, suliaassat allaaserineqarnerat aammalu pinngortitami avatangiisit tigussaasut sananeqaatillugu ingerlatsiviusussat annertuvalaartumik sammineqarput. Sunniutaasunik nalunaarsuineq eqikkaanerup aallaqqaataani quppernemi arlalinni allaaserineqartoq uumassuseqartut pinnguutit allaaserineqarneranni ilaatinneqanngilaq. Taamaasillunilu uumasunut avatangiisinullu qanoq sunniisoqarnersoq eqikkaanermi naliliisoqanngilaq. VVM-imi nassuiaatip immikkoortua pingaerneq avatangiisit qanoq sunniivigineqarnerannik qanorlu sunniutaasut iliuuseqarfigineqarmissaannik allaaserinnittoq taamaasilluni skematut ittumik iliuusissat allaaserineqarnerannik taamaallaat imaqarpoq, quppernerit marluk ataallugit annertussuseqartumik, kingullinngorlugulu teknikimut tunngasuunngitsut eqikkaavigineqarneranni inissinneqarsimasumik. Skemaasangorlugulu nassuiaasiaq taanna aamma amigaateqarpoq, tassami avatangiisinut sunniutaasinnaasut pitsaanngitsut pingaernerit ilaatinneqanngimmata. Assersuutigalugu qillerinissat uumasunut kingunerisinnaasaat allaaserineqanngilaq. Tamannalu amigaataavoq, naak VVM-imut nassuiaammi allaaserineqaraluartoq tamanna avatangiisinut annertunerpaamik sunniuteqartussaasoq naatsorsuutigineqartoq. Kommunit ilanngullugu aamma uparuarusuppaat eqikkaanerup takussutissiarineqarnerani atuartoq periarfissinneqanngimmat sunniutaasut ilanngunneqartut annertussusiannik nalilersuinnissamat.

Eqikkaanerup danskisuuva oqaaseqatigiilianik paasiuminaalluinnartunik imaqarpoq, kukkusumik allatanik tuluttuumiillu fagitigut oqariaatsinik isumasiuutitaqanngitsumik nutsinnakkanik, taamaasillunilu oqaasertai arlalitsigut paasineqarsinnaanngilluinnarlutik, immikkoortullu ilaanni tuluttut allaqqaarneranut sanilliullugit killormut paasineqarsinnaallutik. Danskisut nutserneqarnera suliareqqitaanngilaq: Assitaani oqaasertat nutserneqarsimannngillat, oqaasertaasalu nutsernerat soorlu isumasiuinertaqanngitsumik oqaatsinik nutseriinnavissimanertut isikkoqarluni, kingornatigut eqqortumik danskisuunngortillugillu faginut pineqartunut naleqqussakkamik allanneqarsimasaratik.

Soorlu tusarniaanermi siullermi kommunit tungaanniit uparuarneqartoq, teknikkimik tunngaveqanngitsumik eqikkaaneq pingaaruteqarpoq inuiaqatigiit, aalajangiisartut soqutigisallillu allat paasissutissinneqarnissaanni. Teknikkimut tunnganngitsumik inuit tamat atuarsinnaasaannik eqikkaanermik suliaqarneq aalajangiisuvoq inuiaqatigiinni kikkut tamat aalajangiisartut soqutigisallillu allat oqalliseqatigiissinnaanerannut.

Kommunit eqqumiigaat VVM-imut nassuiaatip oliamik maqisoorsinnaanermut allaaserinninnerani oliap sikullu imminnut akulerussinnaanerisa qaangiinnarneqarsimanera, (qup. 6-30). Tamatumallaaserineqarnissaa amigaataavoq, naak nassuiaasiami allassimagaluartoq juli-mi, agustimi imaluunniit novemberimi annertunerusumik oliakoortoqassagaluarpat oliakoorneq sikup sinaanut anngussinnaasoq, taamatullu pisorqarsinnaanera avatangiisinut annertuumik sunniisusaasoq, (qup. 6-39). Aamma VVM-imut nassuiaatip sikup assiliartaani ersippoq (p. 4-20), Siggummi akuersissuteqarfigineqartumi avatangiisit 80 %-iat sumiiffiit ilaanni juli-mi sikuusartoq aammalu 70-90-imik sikuusarluni decembareqaliinnartoq. Kiisalu VVM-imut nassuiaammi atuarneqarsinnaavoq oliasiorfissaq akuersissuteqarfigineqartoq julip qeqqaniit novembarip qeqqata tungaanut sikunik tissukartunik sunnersimaneqartartoq.

Ukiup sikuanik saatsersumik oliasiorfiup naapitsineratigut oliakoorsinnaaneq sumiiffimmut qileriffiusumut atatillugu avatangiisinik ulorianartorsiortitsisinnaasoq arlalinnit tikkuartorneqarsimavoq. Tamanna tunuliaqutaralugu kommunit isornartutut isigaat Cairn Energy-p oliakoortoqarsinnaaneranut takorluukkatut suliani ulorianartorsiortitsisinnaaneq taanna ilaatinggimmagu.

VVM-imut nassuiaasiami Cairn-p pisinnaasutut takorluukkat arlaqartut oliakoorsinnaanermut atatillugu allaaserivai, allaaserisanilu tunngavilersuutigineqarluni ajornerpaamik pisoqassagaluarpat iliuusissat qanoq ittuussanersut, paasissutissat pigeriikkat tunngavigalugit allaaserisaa-sumi. Piffissami matumani Mexicup Kangerliumanersuani oliakoorneqarjussuaq isigimallugu kommunit isumaqarput Cairn-ip ajornerpaamik pisinnaasutut allaaserinninnera naammattumik piviusorsioruunngitsoq, naak kommunit ilisimagaluaaraat assersuutigalugu immap itissusia pineqartuni assigiinngitsuusoq, aammalu teknologi atornerqartoq assigiinngitsuusoq. Tamatumunnga tunngatillugu sumiiffimmi pineqartumi pissutsit pillugit kommunit isumaqarput ukiup sikuanik sikusarnera, iluliarsuarnik tissusartoqartarnera, issittumi avatangiisit silallu pissusaa imaluunniit

piffissami qinnuteqarfigineqartumi ullup qaammarnata killeqarnera piffissaq qinnuteqarfigineqartoq eqqarsaatigalugu ajornerpaamik pisoqarsinnaaneraniq allaaserinninnermi ilaatinneqartariaqartut.

Tassungalu atatillugu aamma qularnaarneqartariaqarpoq oliakoorneq 29.413 liiterimik oliamik akuiarneqanngitsumit annerusumik maqisoortoqarsinnaanera, tassami tassani tunngavigineqartamat oliakoornerusinnaasoq annerpaamik ullut 37-it ingerlanneranni unitsinneqarsinnaasoq. Assersuutitut taaneqarpoq oliakoorneq ullut unnuallu pingasut ingerlaneranni pisoq Deep Water Horizon-imi oliakoornerup annertoqatigigaa.

Kommunit aamma qularnaarumavaat Caprocom akisussaasuusoq annertunerusumik oliakoortoqassagaluarpata tamatuma salinneqarnissaanut, aamma ilutsini atorineqartuni oliakoornerup nunamut anngunnerani.

Akuersissuteqarfiusup iluani immap naqqata ilulissanit kigarneqartarsimaneranik misissueqqaarnerni nassaartoqarsimanera piviusuusoq nalunaarummi isummerfigineqanngilaq. Kommunit isumaqarput ilaatigut piunasaqaatigineqartariaqartoq ikkussukat immap naqqani qimanneqarumaarsinnaasut qanoq aseroqqajaatiginerisa naliliiffigineqarnissaat ilaatigullu qillerinerit unitsinneqareerneranni immap naqqata kigarneqartannginnissaa qanoq iliornikkut qulakkeerneqassanersoq pilersaarusiortigineqassalluni.

Avatangiisinut sunniutinik naliliinnermut nalunaarummi ”Sigguk-blokkep” avannaani kujataanilu kissassutsinik uuttuinerit marluk takutinneqarput. Qaammammut agguaqatigiissillugit kissassutsit taaneqartut kissarnerpaaffillu nunap ilaani tamaani kissassutsinik uuttortaanernut pissarsiari-neqarsinnaasunut allanut sanilliukkaani maluginiarneqartariaqarpoq (upperineqarsinnaananillu) immami qaasuitsup killeqarfiata avannaaniittumi qaammammut agguaqatigiissillugu kissassuseq 13,15 C-iummat aammalu ukiup kaajallakkiartornerani qaammatini tallimani kissarnerpaasarfiata 20 C-it qaangersimammagit kiisalu juunimi juulimilu kissassutsip 30 C-it inulaarlugit. Isumaliornartorujussuuvoq paasissutissat taakku assersuutigalugu aniasoortoqarnerani pinngortitap piliaanik suujunnaarsitsinnermut aalannguutitsinnermillu naatsorsuinnernut atorineqartassappata, tamakkumi ajoqusiinerit annikippallaartumik nalilerneqarlutik inerniliussiffigineqarsinnaanissaan-

nut aammalu pisariaqartumik akiuiniarnerit naammattumik isumagineqarnissaraluannut akornu-siissunik periarfissiisinnaalissammata.

Tamakku tunngavigalugit Aatsitassanut Ikummatissanullu Pisorta qarfik kajumissaarneqarpoq nalunaarutip ilisimasatigut naammattumik qaffasissusilimmik pitsaassuseqarnissaata uppernar-saasersornissaa qulakkeeqqullugu.

Siusinnerukkut tusarniaanermut akissutitut suliame CO₂-mik aniatitsisoqarsimanera kommuninit maluginiaqqeqquneqarpoq. Kalaallit Nunaat tassaavoq nunat silap allanngoriartorneranit malus-sajanerpaat ilaat. Kalaallit Nunaat qaffasissunik malittarisassiunngikkuni namminerlu sallsaal-luni CO₂-p aniatinneqartup qanoq ililluni annikillisinneqarnissaanik maligassiunngikkuni ilima-gisinnaangilarput nunatsinni silap allanngoriartornerata sunniutaasa ajortut kinguneri silarsuar-mioqatigiinnit paasineqarumaarnerat. Naatsorsuutigineqarpoq Cairnip sulineratigut CO₂-mik na-lillit 95.000 tonsit missaat, ikualalersitsinerit naatsorsuutigineqarpoq, aniatinneqassasut. Ikualalersit-isisoqassappat qillikkami ataatsimi tamakkiisumik ikualalersitamit CO₂ 12.000 tonsit missaat aniatinneqassaaq. Aniasorneq taama annertussusilik massakkut silaannarnut kissatittoorutaasar-tunut inuit piliaannut nunarsuaq tamakkerlugu massakkumut aniatinneqartunut sanilliullugu an-rikitsuaraavoq. Sanilliussinermullu tunngavik taanna imaaliannaarluni tulluartaunngilaq, tas-sami Cairn nalunaarummi pisussaaffilerpoq avatangiisinik pitsaanngitsumik sunniisinaaneq ta-manna ajornartinnagu pinngitsoortinneqartassasoq, aammalumi silaannarsuup CO₂-rtaqarfiinit pitsaanngitsumik sunniutaasinaasut pinngitsoortinneqarsinnaapput allagartanik CO₂-sissutinik Cairnip aniatitaanut naapertuuttunik pisinikkut pisiillu angeqqataata suujunnaarsinneqar-neratigut.

Avatangiisinut sunniutinik naliliinermut nassuiaammit erserpoq imartami pineqartumi immap uumasui aqqartartut, qillerinerit, aalanerit, angallatit qilleriffiit sumiiffiinni aalajangersimasuni imminnut uninngatittut (“modut”) kiisalu angallatit nalinginnaasut nipiliornerinit uumasut pine-qartut uumaniarnerannut ajoqutaassallutik nipikipallaartut, aammalu sunniutit tamakku qaan-giutilertortartut sivikitsuinnarmillu atuuttarlutik.

Kommunit maluginiaqqaat suliassaqarfimmi matumani ilisimatusarnikkut paasisat nutaanerpaat ersersimassuk arferit kigutillit qatituumik nipiliornerit kipisaqattaartunit nipitoorsuarnillu ta-

tamillutik qimaasinnaasartut aammalu imartamut tamaanga utertarnerisa ilisimaneqannginnera (takuuk <http://ing.dk/artikel/109458-larm-fra-havmoellepark-fik-marsvin-til-at-flygte>). Avatangiisinut sunniutinik naliliinermut nassuiaammit erserpoq immap naqqani qillerinernit nipiliorne-rit qatituujuerusartut aammalu nipitussusilersuissut naapertorlugu dB re-t 170-it 190-illu akor-nanniittarlutik. Tamakku tunngavigalugit arfernut tamaani uumasuusunut qillerinernit immap iluani nipiliorne-rit sunniutaat taamaallaat ”annikitsuinnarmik pingaaruteqartut” avatangiisinut sunniutinik naliliinermut nassuiaammi naliliisoqarsimanera kommunit apeqquuserusuppaat.

Misiliilluni qillerinissat pingajuat sisamaallu akuerineqassagaluarpata misiliilluni qillerinerit siulliannik aappaannillu ingerlatsinermut atatillugu akuersissut Waste Management Plan-imik (asimi aqutsinermut pilersaarummik) taasaq aamma ujarlerluni qillerinerit pingajuannut sismaannullu atuutitineqassasoq kommuninit naatsorsuutigineqarpoq. Taamaaliornikkut Qaasuitsup Kommuniata Cairnip eqqagassaataanik avatangiisinut ulorianartunik passussisannnginnissaa qulakkeerneqassaaq, aamma qulakkeerneqassaaq eqqakkanik passussisarneq pillugu Qaasuitsup Kommuniata Arctic Base Supply-illu isumaqatigiissutaat naapertorlugu kommunip taamaallaat eqqakkanik ikuallanneqarsinnaasunik tigooraasarnissaa.

Inuiaqatigiinnik attassisinnaanermik naliliinermut nassuiaammut oqaaseqaatit (VSB)

Aallaqqaasiullugu oqaatigineqassaaq Cairn Energyp ujarlerluni qillerinissanut siullermeerluni qinnuteqaataanut kommunit KANUKOKA-llu tusarniaaffigineqaramik akissuteqaataanni im-mikkoortut ilaannut tusaaniarsimammat, taakku taperserpavut. Kiisalu Kommunit KANUKO-KA-lu pingaarnerusutut makkuninnga inuiaqatigiinnik attassisinnaanermik naliliinermut nas-suiaammut oqaaseqarumapput:

Inuiaqatigiinnik attassisinnaanermik naliliineq (VSB) inuiaqatigiinni pissutsinik nalinginnaasu-nik ilisimaqarneq pillugu sulii amigaateqarpallaarpoq aammalu paasissutissat nalunaarummi ator-neqartut amerlaqisut aammalu tunngavigisat allaaserineqarnerat ulapippallaartumik suliarineqarsimallutik kiisalu qillerinerup siulliup aappaatalu tusarniaassutigineqarnerisa kingornagut tamakku malersoqqinneqarsimanatik.

Kommunit KANUKOKA-llu isornartoqartippaat Kommuneqarfik Sermersooq inuiaqatigiinnik attassisinnaanermik naliliinerup suliarineqarnerani toqqaannartumik atassuteqarfigineqarsimangimmat, tassami suliffeqarfiit kommunimi tassaniittut sulianut tapertaammata. Tunngaviatigut kommunit sisamaasut tamarmik oqaloqatigineqarsimasariaqaraluarput, assersuutigalugu ilinniarfiusinnaasut, sulisorisinnaasat aammalu kalaallit inuussutissarsiortut ikiuisinnaanerannut periarfissat paasinartunngortinneqarneranni.

Ilinniartitaanerit qaffasissusiisa pitsaanerulernissaat aammalu ilinniarfinnit tunuaannartarnerit ikilisinnissaat massakkut annertuumik suliniarfigineqartutut aamma taasariaqarput, tamatumunnga peqatigitillugu Kalaallit Nunaanni ilinniarfiit taaguutaat kukkusut iluarsineqartariaqarput.

Naak tusarniaanermi akissutit siullianni kaammattuutigineqareeraluartoq Environmental Resources Management Ltd. (ERM) suliaqarsinnaasunik nunaqavissunik suleqateqarnissaminik aallartitsissasoq tamanna pisimangilaq. Tusarniaannerup siulliup massakkullu ingerlasup assigiinnigissutigaat suliat massakkut aallartinneqarmata aammalu ERM eqqortunik naliliinissanut kaammattuuteqarnissanullu misilittagarineqareersut tunngavigalugit katersisinnaalermat.

Kommunit uparuaqqikkusuppaat suliat assigiinnigitsut ingerlaannartumik sunniutigisartagaasa, annikitsuinnaasutut isummerfigineqartut – pitsaasut pitsaanngitsullu – sumiiffinni inuttussutsumut naleqqiullugu naleqqiussivigineqarneri amigaateqarmata aammalu erseqqissunik immikkoortitigaasariaqaraluarlutik. Tamakku atuupput assigiinnigitsunik pilersuisussat suliaasaasut naatsorsuutigineqartuni aammalu Cairnimit namminermit toqqaannartumik suliaassani.

Tamatumunnga atatillugu kommunit Cairnip ingerlatseqatigiiffiillu allat Aatsitassanut Ikummatissanullu Pisorta qarfiimmit nunap qaani suliassat pillugit kommuninut tulluurtunut innersuunneqartarnerit pingaaruteqarnerat erseqqissassavaat. Aatsitassanut Ikummatissanullu Pisorta qarfiup ”ataasiinnarmik isertarfilittut oqartussaaffiunermini” ingerlatseqatigiiffinnik assigiinnigitsunik, kommunini ataasiakkaani periarfissanik tamakkiisumik qaammaassaqalernissaminnut periarfissaqanngitsunik ilitsersuisarnissaminut angisuumik akisussaaffeqarpoq, aamma kommunini oqartussanut ilitsersuisarnissaminut, tassami taakku pitsaanerpaamik piareersarnissaminnut paasitineqarsimassapput suliassat suut naatsorsuutigisinnaanerlugit.

Qaasuitsup Kommunia massakut taavaniinnaq qanittumik pitsaasumillu Cairnimik suleqateqarpoq, tamannali pitsaannerusumik piareersarneqarsimasinnaagaluarpoq, tassa siunnersuineq, tunngavissanik allaaserinnineq kaammattuutillu erseqqinnerusimagaluarpata aammalu tamatumunnaga peqatigitillugu suliassatut ingerlatassatullu naatsorsuutigineqartut ataasiakkaat pitsaannerusunik allaaserineqarsimagaluarpata.

Qillerinerit siulliit aallartinginneranni suliareqqaakkat tunngavigalugit naatsorsuutigineqartunit kommunit eqqaamiorisat misiliilluni qillerinernut atatillugu amerlanerujussuarnik suliassaqartineqarput, tamannalu soorunami pitsaasuuvoq. Kisianni kommunini ataasiakkaani pissarsiat aammalu Cairnimik kiffartuussinerit pitsaannerujussuusimasinnaagaluarput misissueqqaarnerit erseqqissuliorfigineqarnerusimagaluarpata tamatumalu kingornagut ingerlaavartumik oqaloqati-giittoqartarsimagaluarpat kiisalu Aatsitassanut Ikummatissanullu Pisortaqarfimmit paasissutissat malinnaatinneqartuarsimagaluarpata.

Naggataagut kommunit erseqqissassavaat qillerinissat pingajuat sisamaallu akuersissutigineqasappata naatsorsuutigineqarmat isumaqatigiissut Impact and Benefit Agreement-imik (sunniutissat iluaqutissallu pillugit isumaqatigiissut) taagugaq qillerinerit siulliannut aappaannullu atuuttoq aamma qillerinissat pingajuannut sisamaannullu atuutissasoq.

Inussiarnersumik inuulluaqqusillunga



Martha Labansen
Pisortaq